

四庫全書

集部

欽定四庫全書

集部

唐詩紀事

目錄
卷二

詳校官監察御史臣沈孫璉

主事銜臣徐以坤覆勘

覆校官中書臣呂雲棟

校對官原任典簿臣郭祚熾

謄錄監生臣劉能

欽定四庫全書

集部九

唐詩紀事目錄

詩文評類

第一卷

太宗

高宗

中宗

第二卷

明皇

德宗

文宗

宣宗

昭宗

第三卷

武后

徐賢妃

上官昭容

越王貞

韓王元嘉

孔紹安

鄭世翼

董思恭

何仲諠

沈叔安

陸敬

袁朗

牛鳳及

朱子奢

庾抱

張文恭

陳叔達

薛收

第四卷

王珪

褚亮

虞世南

蔡允恭

許敬宗

劉孝孫

魏徵

楊師道

岑文本

李百藥

來濟

長孫無忌

杜正倫

馬周

李義府

陳子良

杜之松

崔善為

王績

第五卷

蕭德言

顏師古

杜淹

裴守真

胡元範

元萬頃

李敬元

張文琮

薛元超

薛昶

張大安

鄭蜀賓

王德真

楊思元

鄭義真

徐珩

蕭翼

張執恭

鄭軌

王勣

竇威

第六卷

上官儀

郭正一

喬知之

喬侃

貞半千

任希古

蘇味道

杜審言

郭利貞

吳少微

富嘉謨

李福業

王適

李崇嗣

第七卷

高正臣

崔知賢

韓仲宣

周彥昭

高球

弓嗣初

高瑾

王茂時

徐皓

長孫貞隱

高紹

郎餘令

陳嘉言

周彥暉

高嶠

周思鈞

劉友賢

于季子

東方虬

駱賓王

盧照隣

王勃

楊炯

田遊巖

第八卷

陳子昂

邵大震

李日知

李景伯

劉禕之

王無兢

袁恕已

郭元震

崔融

張昌齡

第九卷

李適

張錫

徐彥伯

宗楚客

韋承慶

蕭至忠

李迥秀

劉憲

崔湜

岑羲

第十卷

趙彥昭

崔日用

李乂

盧藏用

馬懷素

薛稷

劉允濟

李元紘

李嶠

蘇瓌

蘇頲

第十一卷

韋嗣立

趙彥伯

閻朝隱

鄭愔

沈佺期

宋之問

徐堅

盧懷慎

武平一

李行言

韋元旦

第十二卷

畢乾泰

辛替否

王景

韋安石

竇希玠

李咸

陸景初

鄭南金

于經野

鮮琬

麴瞻

樊忱

孫佺

李從遠

周利用

楊廉

張景源

李恒

第十三卷

崔液

張元一

劉希夷

鄭遂初

王熊

房融

張敬忠

崔珪

沈祖僊

盧崇道

徐安期

張紘

薛曜

袁暉

李休烈

邵士彥

吳大江

劉幽求

賈曾

楊齊哲

魏元忠

李夔

司馬承禎

第十四卷

張說

宋璟

王邕

崔翹

王光庭

席豫

梁昇卿

源乾曜

張嘉正

盧從愿

韓休

徐知仁

崔禹錫

裴淮

韋杭

程行誡

李嵩

蕭嵩

劉昇

裴光庭

宇文融

崔沔

崔尚

陸堅

崔泰之

崔日知

魏奉古

第十五卷

王灣

魏知古

許景先

姚崇

姜皎

姜晞

王岳靈

楊顏

鄭繇

張諤

趙仁獎

張暈

金昌緒

蘇晉

張九齡

崔國輔

第十六卷

王維

王縉

裴迪

崔興宗

第十七卷

賀知章

賀蘭進明

李邕

陰行先

李伯魚

趙冬曦

尹悉

崔成甫

李昂

殷遥

徐延壽

苑咸

邱為

第十八卷

杜甫

李白

第十九卷

崔宗之

敬括

房琯

蘇源明

第二十卷

鄭虔

嚴武

史俊

李適之

祖詠

李頎

綦毋潛

趙謙光

李元操

薛令之

張諲

陶翰

顏舒

王琚

王熊

薛維翰

崔亘

朱琳

王泠然

萬楚

胡皓

袁瓘

柳識

高力士

高霽

息夫牧

崔曙

第二十一卷

蕭頴士

李華

崔顥

李嘉祐

王翰

第二十二卷

任華

鄒象先

賈至

韋述

裴輝卿

解彥融

儲光義

孫翊

梁知微

沈千運

魏萬

元結

萬齊融

張均

李嶷

宋鼎

崔頌

第二十三卷

司馬退之

吳筠

蘇廣文

尉遲匡

王諲

陳希烈

高適

張彪

張子容

李之芳

崔或

孟浩然

岑參

第二十四卷

元傑

韋迢

孟彥深

郭受

陶峴

張偁

王昌齡

周萬

包融

顏真卿

丁仙芝

李清

韓滉

齊澣

顧朝陽

韋建

第二十五卷

徐安貞

崔惠童

崔敏童

劉晏

劉灣

薛據

劉昫

張巡

張繼

張謂

梁肅

柳渾

孟雲卿

第二十六卷

盧象

閻防

王季友

楊賁

張陵

王之渙

李陽冰

蘇渙

劉長卿

章八元

李穆

韋應物

朱放

孫逖

李紆

第二十七卷

于逖

姚係

趙徵明

李泌

褚朝陽

蕭昕

張潮

暢當

暢諸

獨孤及

皇甫冉

皇甫曾

李幼卿

趙驊

賈邕

劉舟

長孫鑄

房白

元晟

劉太冲

姚發

鄭愕

殷少野

鄔載

第二十八卷

張濯

孫叔向

朱長文

胡令能

鄭丹

李希仲

杜誦

鄭錫

古之奇

秦系

令狐峘

楊凌

劉太真

顧況

薛業

劉希戩

朱絳

元凜

楊志堅

劉方平

李揆

戎昱

第二十九卷

常袞

張衆甫

田澄

柳郴

李彥遠

薛昇

元載

張元宗

楊郇伯

高拯

梁鎰

劉長川

姚倫

孫處立

劉復

朱彬

戴叔倫

于鵠

王季文

第三十卷

李益

杜羔

諸葛覺

韋執中

耿偉

盧綸

韓翃

錢起

司空曙

苗發

崔峒

李端

冷朝陽

第三十一卷

竇叔向

竇常

竇牟

竇羣

竇庠

竇鞏

常建

李約

柳中庸

郭鄼

韋處厚

權德輿

張薦

楊於陵

許孟容

崔邠

馮伉

潘孟陽

武少儀

鄭常

鄭轅

韓濬

王濯

張莒

張叔良

第三十二卷

崔琮

李竦

裴達

于尹躬

顏粲

葉季長

陳通方

嚴公弼

嚴公貺

王表

陸贄

楊炎

元季川

蔣渙

包何

劉商

陸海

第三十三卷

李吉甫

武元衡

鄭網

獨孤授

李季何

李應

盧拱

李觀

裴度

韋同則

陳蜕

第三十四卷

韓愈

張籍

史延

丁澤

樊宗師

李道昌

第三十五卷

陸暢

崔元翰

張建封

皇甫湜

李翱

魏信陵

孟郊

盧仝

劉义

楊巨源

陳羽

王履正

彭伉

辛弘智

歐陽詹

焦郁

袁高

第三十六卷

黎逢

閻濟美

裴交泰

劉皂

第三十七卷

元稹

第三十八卷

白居易

第三十九卷

白居易

崔元亮

牛僧孺

李紳

沈傳師

盧羣

劉禹錫

封孟紳

陳潤
韋式

第四十卷

范傳正

薛存誠

賈島

馬異

張登

包佶

長孫佐輔

李正封

崔護

張又新

陸復禮

柳公權

陸鴻漸

王季則

王公亮

徐牧

陳存

第四十一卷

白行簡

章孝標

施肩吾

鮑溶

孟簡

李程

張蕭遠

許康佐

許堯佐

張南史

徐凝

朱畫

侯喜

蔣防

第四十二卷

王涯

令狐楚

張仲素

第四十三卷

竇參

郎士元

于良史

舒元興

李諒

李賀

呂溫

呂恭

段洪古

何元上

羊士諤

馮宿

柳宗元

吳武陵

邵真

崔膺

衛象

李宣遠

熊孺登

崔立之

鄭遵

韋紆

第四十四卷

王建

第四十五卷

朱灣

王良會

柳公綽

張正一

徐放

崔備

蘇郁

胡幽貞

張儼

杜顥

韋丹

鄭俞

杜元穎

吳丹

鄭餘慶

趙宗儒

周弘亮

王播

周匡物

許孜

張碧

第四十六卷

劉言史

劉猛

李餘

李涉

劉昭禹

孫昌胤

嚴休復

朱慶餘

劉軻

獨孤鉉

張燦

楊虞卿

楊汝士

張志和

第四十七卷

謝良輔

鮑防

杜奕

邛丹

嚴維

鄭槩

陳元初

呂渭

范燈

樊珣

劉蕃

賈奔

沈仲昌

李祐

李播

蕭靜

崔子向

李逢吉

楊乘

第四十八卷

李秘

韋臯

李德裕

鄭還古

裴航

裴休

呂羣

徐商

王傳

韋渠牟

陸長源

盧宗回

劉闢

薛宜僚

陸希聲

崔季卿

皇甫徹

第四十九卷

胡杲

吉旼

劉真

鄭據

盧貞

張渾

白居易

九老

項斯

龐蘊

蔡京

滕邁

郭周藩

殷潛之

裴思謙

何扶

鄭澣

廖有方

薛書記

賈耽

盧真

姚合

第五十卷

封教

鄭薰

王軒

宋雍

李摯

韋澳

段文昌

姚向

溫會

李敬伯

姚康

張正元

楊嗣復

吳穀子

楊厚

劉郇伯

王觀

陳上美

侯洌

崔樞

陳彥博

郭良驥

崔嘏

李景遜

康球

第五十一卷

白敏中

魏扶

馬植

崔鉉

殷堯藩

沈亞之

裴夷直

楊敬之

房千里

厲元

喻鳧

楊衡

符載

王彥威

繁知一

楊洵美

第五十二卷

雍裕之

裴潏

皇甫曙

李肱

皇甫松

徐凝

張祜

崔涯

盧儲

趙璘

柴夔

王繼勳

夏鴻

曹汾

楊鴻

易重

第五十三卷

喬琳

王鋌

于興宗

李朋

楊牢

李汶儒

薛蒙

李鄴

于瓌

王巖

劉騷

李渥

劉璐

盧栢

李續

盧求

田章

高璩

牛徵

蕭祐

魏謩

陸肱

李商隱

劉得仁

第五十四卷

韋表微

羅宏信

高崇文

王智興

劉綺莊

馬戴

孟遲

南卓

鄭顥

李羣玉

溫庭筠

周繇

第五十五卷

周墀

王起

盧肇

丁稜

姚鵠

高退之

孟球

劉耕

裴翻

樊驤

崔軒

蒯希逸

林滋

李宣古

黃頗

張道符

邱上卿

石貫

李潛

孟守

唐思言

左牢

王甚夷

金厚載

第五十六卷

鄭畋

李彙征

劉威

崔郊

譚銖

郭夔

來鵬

來鵠

鄭洪業

杜牧

許渾

童翰卿

雍陶

周元範

李遠

朱可名

趙嘏

祝元膺

韋承貽

鄭史

韋楚老

第五十七卷

段成式

第五十八卷

溫庭皓

韋蟾

李敬方

李溟

李郢

韓宗

劉滄

柳棠

賀蘭朋

崔珏

李洞

長孫翺

崔櫓

曹唐

于武陵

霍總

劉魯風

盧尚卿

第五十九卷

薛瑩

褚載

汪遵

蕭邁

盧渥

李訥

崔元範

楊知至

封彥卿

盧鄴

高湘

盧澥

滕倪

林傑

李明遠

李章武

郭圓

薛逢

張宏靖

韓察

崔恭

崔公信

陸縵

胡証

高銖

張賈

第六十卷

李節

費冠卿

劉虛白

蕭建

袁不約

孫緯

周祚

崔澹

盧頻

李廓

李頻

賈馳

薛能

曹鄴

裴虔餘

陳陶

第六十一卷

聶夷中

劉象

紀唐夫

羅紹威

鄭仁表

張林

李搏

裴廷裕

高蟾

宋邕

崔塗

孫郃

鄭準

章碣

于瀆

第六十二卷

鄭嵎

第六十三卷

方干

劉駕

王駕

衛準

詹雄

顧非熊

司空圖

秦韜玉

潘誠

胡駢

高駢

潘緯

武瓘

于鄴

路德延

翁承贊

韓垂

第六十四卷

顏萱

李穀

司馬都

鄭璧

崔璞

魏朴

陸龜蒙

張賁

皮日休

崔璐

任蕃

盧休

劉畋

第六十五卷

表郊

盧延讓

裴說

張為

韓偓

曹松

杜荀鶴

孫棨

王鐸

鄭縈

胡玢

楊收

平曾

繆島雲

第六十六卷

馮涓

盧嗣立

李質

姚巖傑

王璘

巖郭

陳標

崔安潛

盧發

錢珣

盧駢

巖暉

王渙

張曙

翁綬

戴司顏

孫定

趙牧

盧注

鄭愚

王鐐

陳琚

第六十七卷

李嶸

袁皓

歐陽澣

徐振

李濤

王貞白

王祝

劉谷

李昌鄴

王滌

王碩

陸貞洞

李縞

高衢

張綺

韋氷

薛昭緯

鄭合敬

許晝

程賀

裴鉏

張孜

顧雲

李昭象

第六十八卷

湯文圭

唐彥謙

裴澈

盧攜

韋莊

吳融

公垂億

羅鄴

羅衮

第六十九卷

羅虬

羅隱

陸扆

第七十卷

許棠

張喬

劇燕

任燾

張蠩

鄭谷

溫憲

李昌符

王穀

李山甫

伊璠

鍾離權

第七十一卷

張道古

許鼎

李京

胡曾

伍唐珪

韓定辭

蔣貽恭

狄歸昌

李極

高越

許郴

孫蜀

牛嶠

崔庸

同谷子

陳詠

李旭

沈彬

周朴

孫魴

王易簡

范攄之子

鄭雲叟

謝太虛

李嶼

江為

第七十二卷

僧法宣

僧中寤

僧子蘭

僧靈澈

僧靈一

僧清江

僧廣宣

第七十三卷

僧法振

常雅

隱邛

僧法照

僧泠然

金地藏

僧皎然

護國

含曦

第七十四卷

僧文秀

僧尚能

僧棲白

僧無可

僧神穎

僧懷濬

應物

可朋

雲表

第七十五卷

僧虛中

僧貫休

僧齊己

殷七七

許碯

許宣平

裴脩然

第七十六卷

僧太易

惟審

滄浩

僧良義

僧志定

栖蟾

曇翼

清塞

無悶

僧文益

僧修睦

景雲

第七十七卷

僧栖一

僧可止

僧卿雲

僧處默

僧澹交

僧若虛

僧巒

僧曇域

僧懷楚

僧懷浦

僧慕幽

尚顏

僧善生

第七十八卷

開元宮人

楊氏女

薛彥輔母

崔氏

劉氏

慎氏

薛媛

李季蘭

侯氏

如意中女子

裴柔之

魚元機

僖宗宮人

張建封妓

宮女

女道士元淳

第七十九卷

張夫人

崔仲容

女郎張琰

女郎崔公達

女郎宋若昭

女郎宋若荀

女郎田娥

女郎劉雲

薛濤

女郎葛鵲兒

女郎張文姬

鮑君徽

女郎張窈窕

倡妓常皓

女郎蔣蘊

女郎劉媛

廉氏

彭伉妻

程長文

尼海印

孫氏

鶯鶯

非煙

徐月英

第八十卷

河北人

不知名

僕

新羅主

楊彥鯤

不知名

權龍褒

第八十一卷

毛仙翁

臣等謹案唐詩紀事八十一卷宋計有功撰
有功字敏夫其始末未詳李心傳建炎以來
繫年要錄載紹興五年秋七月戊子右承議
郎新知簡州計有功提舉兩浙西路常平茶
鹽公事有功安仁人張浚從舅也又考郭印

雲溪集有和計敏夫留題雲溪詩曰知君絕
學謝芸編語默行藏不礙禪親到雲溪重說
偈天開地闢見純全則敏夫為南渡時人詳
印詩意蓋耽味禪悅之士而是集乃留心風
雅採摭繁富于唐一代詩人或錄名篇或紀
本事兼詳其世系爵里凡一千一百五十家
唐人詩集不傳於世者多賴是書以存其某
篇為某集所取者如極玄集主客圖之類亦

一一詳註今姚合之書猶存張為之書獨藉
此篇以見梗概猶可考其孰為主孰為客孰
為及門孰為升堂孰為入室則其輯錄之功
亦不可沒也惟其中多委巷之談如李白微
時曾為縣吏併載其牽牛之謔溺女之篇俳
諧猥瑣依託顯然則是榛楛之勿翦耳乾隆
四十一年五月恭校上

總纂官臣紀昀臣陸錫熊臣孫士毅

總校官臣陸費墀



唐詩紀事序

唐人以詩名家姓氏著于後世殆不滿百其餘僅有聞
焉一時名輩滅沒失傳蓋不可勝數敏夫閑居尋訪三
百年間文集雜說傳記遺史碑誌石刻下至一聯一句
傳誦口耳悉搜採繕錄間捧宦牒周遊四方名山勝地
殘篇遺墨未嘗棄去老矣無所用心取自唐初首尾編
次姓氏可近紀一千一百五十家篇什之外其人可考
即略紀大節庶讀其詩知其所恨家貧缺簡籍地僻

罕聞見聊據所得先成八十一卷目曰唐詩紀事云灌園居士臨邛計敏夫有功叙

慶元辛酉禧從大諫傅公游于凌雲邂逅灌園季子次陽繼幹蓋禧戊午類試坐主也因得是書立命數十吏傳錄其間不能無魯魚亥豕之誤繙閱累年手自讎校十是正其七八餘則傳疑不敢妄加損也夫文章與時高下而詩發於情帝王盛時採之以觀民風在治忽春秋之時趙孟請賦詩以觀鄭七子之志季札請觀樂以

知列國之風世之君子欲觀唐三百年文章人物風俗
之污隆邪正則是書不為無助乃鋟之懷安郡齋與世
共之嘉定甲申懷安假守王禧慶長書

欽定四庫全書

唐詩紀事卷一

宋 計敏夫 撰

太宗

高宗

中宗

太宗

帝京篇序云余以萬幾之暇遊息藝文觀列代之皇王考當時之行事軒吳舜禹之上信無間然矣至於秦白周穆漢武魏明峻宇雕牆窮侈極麗征稅殫於宇宙轍跡徧於天下九域無以稱其求江海不能贍其欲覆亡顛沛不亦宜乎余追

蹤百王之末馳心千載之下慷慨懷古想彼哲人庶以堯舜
之風蕩秦漢之弊用咸英之曲變爛漫之音求之人情不為
難矣故觀文教於六經閱武功於七德臺榭取其避燥濕金
石尚其諧人神皆節之於中和不係之於淫放故溝洫可悅
何必江海之濱乎麟閣可翫何必山陵之間乎忠良可接何
必海上神仙乎豐鎬可游何必瑤池之上乎釋實求華以人
從欲亂於大道君子耻之故述帝京篇以明雅志云爾
秦川惟帝宅函谷壯皇居綺殿千尋起離宮百雉餘連

霓遙接漢飛觀迥凌虛雲日隱層闕風煙出綺疏

其一

巖廊罷機務崇文聊駐輦玉匣啓龍圖金繩披鳳篆韋

編斷仍續縹帙舒還卷對此乃淹留歌案觀墳典

其二

移步出詞林停輿欣載宴琬弓寫明月駿馬疑流電驚

鴈落虛弦啼猿悲急箭閱賞誠多矣於茲乃忘倦

其三

鳴笳臨樂館眺聽歡芳節急管韻朱絃長歌凝白雪威

鳳肅來下玄鶴分成列去茲鄭衛聲雅音方可悅

其四

芳辰追逸趣禁苑信多奇橋形通漢上峰勢接雲危煙

霞交隱映花鳥自參差何如肆轍跡萬里賞瑤池

其五

飛蓋去芳園蘭橈遊翠渚萍間日彩亂荷處香風舉桂

楫滿中川絃歌振長嶼豈獨汾河曲方為歡宴所

其六

日落雙闕昏迴輿九重暮長煙散初碧皎月澄輕素褰

幌翫琴書開軒引雲霧銀漢耿層閣清風搖玉樹

其七

歡樂難再遇芳晨良可惜玉酒溢雲罍蘭肴陳綺席千

鐘合堯禹百獸諧金石得志重寸陰忘懷輕尺璧

其八

建章歡賞夕二八盡妖妍羅綺昭陽殿芬芳玳瑁筵珮

移星正動扇掩月初圓無勞上玄圃即此對神仙

其九

以茲遊觀極悠然獨長想披卷覽前蹤撫躬尋既往望古茅茨約曠今蘭殿廣入道慮高危虛心誠盈蕩奉天

竭誠敬臨民思惠養納善察忠諫明科慎刑賞六五誠

難繼四三非易仰庶待淳化敷方嗣云亭響

其十

帝製帝京篇命李百藥並作既上詔曰卿何身老而才之壯齒宿而意之新乎

正月臨朝云條風開獻節灰律動初陽百蠻奉遐書萬

國朝未央雖無舜禹跡幸欣天地康車軌同八表書文
混四方赫奕儼冠蓋紛綸盛服章羽旌飛馳道鐘鼓震
脩廊組練暉霞色霜戟照朝光晨宵懷至理終愧撫遐
荒

秋日垂清光賜房元齡詩曰秋露凝高堂朝光上翠微
參差麗雙闕照耀滿重闌仙馭隨輪轉靈鳥帶影飛臨
波無定彩入隙有圓暉還當葵藿志傾葉自相依

賦得白日傍西山詩曰紅輪不暫駐烏飛豈復停岑霞

漸漸落溪陰寸寸生
藿葉隨光轉葵心逐照傾
晚煙含樹色棲鳥雜流聲

賦得花庭霧詩云蘭氣已薰宮
新藥半粧叢色含輕重
霧香引去來風拂樹濃舒碧
縈花薄蔽紅還當雜行雨
髣髴隱遙空

詠小山詩云近谷交縈藥
遙峰對出蓮徑細無全磴松
小未含煙

弱柳鳴秋蟬詩云散影玉階柳
含翠隱鳴蟬微形藏葉

裡亂響出風前

早鴈出雲鳴詩云初秋玉露清早鴈出雲鳴隔雲時亂
影因風乍含聲

秋日翠微宮詩曰秋光凝翠嶺涼吹肅離宮荷疎一蓋
缺樹冷半帷空側陣移鴻影圓花釘菊叢攄懷俗塵外
高眺白雲中

春日望海詩云披襟眺滄海憑軾翫春芳積流橫地軸
疏派引天潢仙氣凝三嶺和風散八荒拂曉雲布色穿

浪日舒光照岼花分彩迷雲鴈斷行懷卑運深廣持滿
守靈長有形非易測無源詎可量洪濤經變野翠島屢
成桑之采思漢帝碣石想秦皇霓裳非本意端拱且圖
王

名侍臣賜宴守歲云四時運灰琯一夕變冬春送寒餘
雪盡迎歲早梅新

洛水云春蒐馳駿骨總轡俯長河霞處流縈錦風前漾
卷羅水花翻照樹隄蘭倒挿波豈必汾陰曲秋雲發棹

歌

冬日臨昆明池詩云石鯨分玉溜劫燼隱平沙柳影水
無葉梅心凍有花寒野凝朝露霜天散夕霞歡情猶未
極落景遽西斜

賦得浮橋詩云岸曲非千里橋斜異九星暫低逢輦度
還高值浪驚水搖文鷁動纜轉錦花繁遠近隨輪影輕
重應人行

入潼關詩云峻函稱地險襟帶壯兩京霜峰直臨道冰

河曲遶城古木參差影寒猿斷續聲冠蓋往來合風塵
朝夕驚高談先馬渡僞曉預鷄鳴棄繻懷遠志封泥負
壯情別有真人氣安知名不名

春日玄武門宴羣臣詩云韶光開令序淑氣動芳年駐
輦華林側高宴栢梁前紫庭文珮滿丹墀袞紱連九夷
遙瑤席五狄列瓊筵娛賓歌湛露廣樂奏鈞天盈樽浮
綠醕雅曲韻朱絃粵余君萬國還慙撫八埏庶幾保正
固虛己厲求賢

又置酒坐飛閣詩云高軒臨碧渚飛簷迥駕空餘花攢
漏檻殘柳散雕櫳岼菊初含藥園梨始帶紅却慮崐山
暗不共盡杯中

冬宵各為四韻詩云雕宮靜龍漏綺閣宴公侯珠簾燭
燄動繡柱月光浮塵起將歌發風停與管道瑣池任多
士端展竟何憂

尚書詩云崇文時駐步東觀還停輦輟膳玩三墳輝燈
披五典寒心覩肉林飛目看沉湎縱情昏主多克己明

君鮮滅身資累惡成名猶積善既承百王末戰兢隨歲
轉

詠司馬彪續漢志詩云二儀初創象三才乃分位非惟
樹司牧固亦垂文字綿代更膺期芳圖無輟記炎漢承
君道英謨纂神器潛龍既可躍遠兔奚難致前史殫妙
詞後昆沉雅思書言揚盛跡補闕興洪志川谷猶舊涂
郡國開新意梅山未覺朽穀水誰云異車服隨名表文
物因時置鳳戟翼康衢鑾輿撓柔轡清濁必能澄洪纖

幸無棄觀儀不失序遵禮方由事政宣竹律和時平王
條備文園雕竒彩藝門蘊深致雲飛星共流風揚月兼
至類稭遵令典壇壝資良地五勝竟無違百司誠有庇
我皇承暇景談叢引衆祕討論窮義府看覈披經笥大
辯良難仰小學終先匱聞道諒知榮含毫孰忘愧

出獵詩云楚王雲夢澤漢帝長楊宮若時因農暇閱武
出輟嵩三駟陳銳卒七萃列材雄寒野霜氛白平原燒
火紅琱戈夏服箭羽騎綠沉弓怖獸潛幽壑驚禽散翠

空長煙晦落景灌木偃嚴風所為除民瘼非是悅林叢
冬狩詩云烈烈寒風起慘慘飛雲浮霜濃凝廣隰冰厚
結清流金鞍移上苑玉勒騁平疇旌旗四望合置羅一
面求楚跽爭兕殪秦亡解鹿愁獸忙投密樹鴻驚起磔
洲騎斂原塵靜戈迴嶺日收心非洛汭逸意在渭濱游
禽荒非所樂撫轡更招憂

李詩云玉衡流桂圓成蹊正可尋鸚啼綠葉外蝶戲晚
花心麗景光朝彩輕煙散夕陰暫顧暉章側還眺靈山

林

賦得櫻桃詩春為韻云華林滿芳景洛陽徧陽春朱顏
含遠日翠色影長津喬柯轉嬌鳥低枝映美人昔作園
中實今來席上珍

春池柳詩年柳變池臺隋堤曲直迴逐浪絲陰去迎風
帶影來疎枝一鳥呀半翠幾眉開瑩雪臨春岸參差間
早梅

臨池柳詩云岸曲絲陰聚波移帶影疎還將眉裏翠來

就鏡中舒

竹詩云貞條彰曲砌翠葉負寒霜拂牖兮寒影臨池待
鳳翔

詠飲馬詩云駿骨飲長涇奔流灑絡繹細紋連噴聚亂
荇遶蹄縈水光鞍上側馬影溜中橫翻似天池裏騰波
龍種生

帝嘗作宮體詩使虞世南賡和世南曰聖作誠工然體
非雅正上有所好下必有甚臣恐此詩一傳天下風靡

不敢奉詔帝曰朕試卿爾後帝為詩一篇述古興亡既而嘆曰鍾子期死伯牙不復鼓琴朕此詩何所示耶敕褚遂良即世南靈坐焚之

貞觀六年九月帝幸慶善宮帝生時故宅也因與貴臣宴賦詩起居郎請平宮商被之管絃命曰功成慶善樂使童子八佾為九功之舞大宴會與破陣舞偕奏於庭貞觀二十年秋帝幸靈州破薛延陀時回紇諸部遣使入貢乞置官司上為詩序其事曰雪耻酬百王除凶報

千古公卿請勒石於靈州從之

高宗

九月九日云端居臨玉宸初律啓金商鳳闕澄秋色龍
闌引夕涼野靜山氣斂林疎風露長砌蘭虧半影巖桂
發金香滿葢荷彫翠圓花菊散黃揮鞭爭電烈飛羽亂
星光柳空穿石碎弓虛側月張怯猿啼落岫鷺鴈斷分
行斜輪低夕影歸旆擁通莊

七夕宴玄圃云羽葢飛天漢鳳駕越層巒俱歎三秋阻

共叙一宵歡璜虧夜月落靨碎曉星殘誰能重操杼織
手濯清瀾

又云霓裳轉雲路鳳駕儼天潢虧星凋夜靨殘月落朝
璜促歎今夕促長離別後長輕梭聊駐織掩淚獨悲傷
過溫湯詩溫渚停仙蹕豐郊駐曉旌路曲回輪影巖虛
傳漏聲暖溜驚湍駛寒空碧霧輕林黃疎葉下野白曙
霜明眺聽良無已煙霞斷續生

太子納妃太平公主出降詩云龍樓光曙景魯館啓朝

靡艷日濃粧影低星降婺輝玉庭浮瑞色銀榜藻祥徽
雲轉花縈葢霞飄葉綴旗

雕軒回翠陌寶駕歸丹殿鳴珠珮曉衣鏤壁輪初扇華
冠列綺筵蘭醑申芳宴環階鳳樂陳玳席珍羞薦

蝶舞袖香新歌分落素塵歡凝歡懿咸慶叶慶初姻暑
闌炎氣息涼早吹疎蘋方期六合泰共賞萬年春

太平公主武后所生后愛之傾諸女帝擇薛紹尚之假
萬年縣為婚館門隘不能容翟車有司毀垣以入自興

安門設燎相屬道樾為枯當時羣臣劉禕之詩云夢梓
光青陞穠桃謁紫宮元萬頃云離元應春夕帝子降秋
期任奉古云帝子升青陞王姬降紫宸郭正一云桂宮
初服冕蘭掖早升筭皆納妃出降之意也

中宗

立春日游苑迎春云神臯福地三秦邑玉臺金闕九仙
家寒水猶戀甘泉樹淑景催臨建始花綵蝶黃鶯未歌
舞梅香柳色已矜誇迎春正啟流霞席整囑曦輪勿遽

斜

九月九日幸臨渭亭登高作云九日正垂秋三杯興已

周泛桂迎罇滿吹花向酒浮長房萸早熟彭澤菊初收

何藉龍沙上方得恣淹留

得秋字

時景龍三年也御製序

云陶潛盈把既浮九醞之觀畢卓持螯須盡一生之興

人題四韻同賦五言其宸後成罰之引滿

韋安石得枝字云金風飄菊蕊玉露泣萸枝

蘇瓌得暉字云恩深答効淺留醉奉宸暉

李嶠得歡字云令節三秋晚重陽九日歡

蕭至忠得餘字云寵極莫房遍恩深菊耐餘

竇希玠得明字云九晨陪聖膳萬歲奉承明

韋嗣立得深字云願陪歡樂事長與歲時深

李迥秀得風字云霽雲開晚日仙薄麗秋風

趙彥伯得花字云簪挂丹萸藥杯涵紫菊花

楊廉得亭字云遠日瞰秦堦重陽坐灞亭

岑羲得溪字云爰豫矚秦堦升高臨灞溪

盧藏用得開字云莫依珮裏發菊向酒邊開

李咸得直字云菊黃迎酒泛松翠凌霜直

閻朝隱得筵字云簪紱超皇極笙歌接御筵

沈佺期得長字云臣歡重九慶日月奉天長

薛稷得歷字云願陪九九晨長奉千千歷

蘇頲得時字云年數登高日延齡命賞時

李乂得濃字云捧篋萸香遍稱觴菊氣濃

馬懷素得酒字云蘭將葉布席菊用香浮酒

陸景初得臣字云登高識漢苑問道侍軒臣

韋元旦得月字云雲物開千里天行垂九月

李適得高字云禁苑秋光入宸遊霽色高

鄭南金得日字云風起韻虞絃雲開吐堯日

于經野得樽字云桂筵羅玉俎菊醴溢芳樽

盧懷慎得還字云鶴似聞琴至人疑宴鎬還

是宴也韋安石蘇瓌詩先成于經野盧懷慎最後成罰

酒

幸秦始皇陵賦詩云眷言君失德驪邑想秦餘政煩方
改篆愚俗乃焚書阿房久已滅閣道遂成墟欲厭東南
氣翻傷掩鮑車

十月帝誕辰內殿宴羣臣聯句云潤色鴻業寄賢才帝

云叨居右弼貴鹽梅李嶠運籌帷幄荷時來宗楚客職掌

圖籍溫蓬萊劉憲兩司謬忝謝鍾裴崔湜禮樂銓管効

塵埃鄭愔陳師振旅清九垓趙彥昭忻承顧問侍天杯李

適銜恩獻壽栢梁臺蘇頌黃籙青簡奉康哉盧藏用鰕生

侍從忝王枚

李义

右掖司言實不才

馬懷素

宗伯秩禮天

地開

薛稷

帝歌難續仰昭回

宋之問

微臣捧日變寒灰遠

慙班左愧遊陪

婕妤上官

帝謂侍臣曰今天下無事朝野多

歡欲與卿等詞人時賦詩宴樂可識朕意不須惜醉大

學士李嶠宗楚客等跪奏曰臣等多幸同遇昌期謬以

不才策名文館思勵駑朽庶裨河嶽既陪天歡不敢不

醉此後每遊別殿幸離宮駐蹕芳苑鳴笳仙禁或戚里

宸筵王門卷席無不畢從

長寧公主韋庶人所生下嫁楊慎交制曰駙馬都尉楊
慎交分榮戚里藉寵公門恭肅著於立身恪勤効於從
政鳳凰樓上宛符琴瑟之歡烏鵲橋前載協松蘿之契
宜分覃茅土式廣山河造第東都府財幾竭又取西京
高士廡第左金吾衛廢營合為宅作三重樓築山浚池
帝及后數臨幸置酒賦詩群臣屬和故李嶠長寧公主
東莊侍宴詩其末云承恩咸已醉戀賞未還鑣崔湜云
席臨天女貴杯接近臣歡李適云願奉瑤池駕千春侍

德音李又云地出東郊迴日馭城臨南斗度雲車徐元伯云鳳宸憐簫曲鸞閣念掌珍

公主之生也帝誕日而公主滿月李嶠詩云神龍見象日仙鳳養雛年大寶來天正明珠對月圓祚延金篴裏歌奏玉箱前今日宜孫慶還參祝聖篇

登驪山高頂詩云四郊秦漢國八水帝王都閭闔雄里開城闕壯規模貫渭稱天邑含岐實奧區金門披玉館因此識黃圖帝自題序末云人題四韻後罰三盃日暮

成者五六人餘皆罰酒

劉憲詩云驪阜鎮皇都鑾遊眺八區原隰旌門裏風雲
宸坐隅直城如斗柄官樹似星榆從臣詞賦末溫得上
天衢

蘇頲云仙蹕御層氛高高積翠分巖聲中谷應天語半
空聞豐樹連黃道秦關入紫雲聖圖恢禹縣歌賦小橫
汾

武平一云鑾輿上碧天翠帟拖晴煙絕嶢紆仙逕層巖

敞御筵雲披丹鳳闕日下黑龍川更覩南薰奏流聲入
管絃

景龍四年正月五日移仗蓬萊宮御大明殿會吐蕃騎
馬之戲因重為栢梁體連句

帝曰大明御寓臨萬方

皇后曰

顧慙內政翊陶唐

長寧公主曰

鸞鳴鳳舞向平陽

安樂公主曰

秦樓魯館沐恩光

太平公主曰

無

心為子輒求郎

溫王重茂曰

雄才七步謝陳王

昭容上官曰

當熊

讓輦愧前芳

吏部侍郎崔湜曰

再司鈐管恩可忘

著作郎鄭愔曰

文江

學海恩濟航

考功員外郎
武平一曰

萬邦考績臣所詳

著作郎閻
朝隱曰

著作不休出中腸時上疑御史大夫竇從一將作大匠
宗晉卿素不屬文未即令續二人固請許之從一曰權
豪屏跡肅嚴霜晉卿曰鑄鼎開嶽造明堂此外遺忘
時吐蕃舍人明悉獵請令授筆與之曰玉醴由來獻壽
觴上大悅賜與衣服

唐詩紀事卷一

欽定四庫全書

唐詩紀事卷二

宋 計敏夫 撰

明皇

德宗

文宗

宣宗

昭宗

明皇

軒遊宮十五夜云行邁離秦國
巡方赴洛師路逢三五
夜春色暗中期關外長河轉
宮中淑氣遲歌鐘對明月
不減舊遊時

初入秦川路逢寒食詩云洛川芳樹映天津灞岸垂楊宰
地新宜為經過行處樂不知虛度兩京春去年有閏今春
早曙色和風著花草可憐寒食與清明光輝併在長安道
自從關路入秦川爭到何人不戲鞭公子途中方蹴踘佳
人馬上戲鞦韆渭水長橋今欲渡葱葱漸見新豐樹遠看
驪岫入雲霄預想陽池起煙霧煙霧氛氲水殿開整拂
香輪歸去來今歲清明行已晚明年寒食更相陪

早渡蒲關云鐘鼓嚴更曙山河野望通鳴鸞下蒲坂飛

旆入秦中地險關逾壯天平鎮尚雄春深津樹合月落
戍樓空馬色分朝景鷄聲逐曉風所希常道泰非復俟
繻同

帝幸蜀西至劔門題詩曰劔閣橫雲峻鑾輿出狩回翠
屏千仞合丹嶂五丁開灌木縈旗轉仙雲拂馬來乘時
方在德嗟爾勒銘材至德二年普安郡守賈深勒石

開元間河南參軍鄭銑朱陽丞郭仙舟投匭獻詩敕曰
觀其文理乃崇道法至於今時不切事情宜各從所好

並罷官度為道士

裴寬除太原尹帝賦詩餞之曰德比岱雲布心如晉水清

早登太行山中言志云清蹕渡河陽凝笳上太行火龍
明鳥道鐵騎遶羊腸白露靈陰壑丹霞助曉光澗泉含
宿凍山草帶餘霜野老茅為室樵人薜作裳宣風問耆
艾敦俗勸耕桑涼德慙先哲徽猷慕昔皇不因今展義
何必冒垂裳

帝巡省塗次上黨舊宮賦詩序曰朕昔在初九佐貳此
州未遇扶搖之力空俟海沂之詠洎大橫入兆出處斯
易一揮寶劍遽履瑤圖承歷數而順謳謠著天衣而御
區夏嗟乎向時沈默駕四馬而朝京師今日逍遙乘六
龍而問風俗爰因巡省途次舊居山川宛然人事無間
忽其鼎革周遊館宇觸目依然雖迹異漢皇而地如豐
邑擊筑慷慨酌杯留連空想大風題茲短什詩云

三千初擊浪九萬欲搏空天地猶驚否陰陽始遇蒙存

貞斯歷試佐貳佇昭融多謝時康理良慙寶劒功長懷
問鼎氣夙負拔山雄不學劉琨舞先歌漢祖風英髦既
包括豪傑自牢籠人事一朝異謳謠四海同如何昔朱
邸今此作離宮雁沼澄瀾翠猿嵒落照紅小山秋桂馥
長坂舊蘭蕕即是淹留處垂歡樂未窮

答張說出雀鼠谷云雷出膺乾象風行順國人川途猶
在晉車馬漸歸秦背陝關山險橫汾鼓吹頻草依陽谷
變花待北嵒春聞有鵷鸞客清詞雅調新求音思欲報

心迹竟難陳

送張說巡邊云端拱復垂裳長懷御遠方股肱申教義
戈劍靜要荒命將綏邊服雄圖出廟堂三台入武帳八
座起文昌寶胄匡韓主華宗輔漢王茂先慙博物平子
謝文章盡節恢時佐輸誠禦寇場三軍臨朔野駟馬即
戎行鼓吹威夷狄旌軒溢洛陽雲臺先著美今日更貽
芳

送張說集賢上學士云廣學開書殿崇儒引席珍集賢

招袞職論道命台臣禮樂沿今古文章草舊新獻酬鐫
俎列賓主位班陳節變雲初夏時移氣尚春所希光史
策千載仰茲晨

左丞相說右丞相環太子少傅乾曜同上官命讌東堂
賜詩云赤帝收三傑黃軒舉二臣由來丞相重分掌國
之鈞我有握中璧雙飛席上珍子房推要道仲子訝風
神復輟台衡老將為調護人鴈鸞同拜日車騎擁行塵
樂聚南宮宴觴連北斗醇俾子成百揆垂拱問彞倫

同二相已下羣臣宴樂遊園賜詩云
撰日崑廊暖需雲
宴樂初萬方朝玉帛千品會簪裾地入南山遠城分北
斗餘林塘垂柳密原隰野花疎
帝幕看逾暗歌鐘聽自
虛興闌歸騎轉還奏弼違書二相謂張宋也

千秋節賜群臣鏡詩云
臺上冰花澈窓中月影臨
更銜長壽帶留意感人深
是日賜宴詩云
月銜花綬鏡露綴綵絲囊
張說應制云
珠囊含瑞露金鏡抱仙輪

開元十六年帝自擇廷臣為諸州刺史許景先治虢州

源光裕鄭州寇泚宋州鄭溫琦邠州袁仁恭杭州崔志
廉襄州李昇期邢州鄭放定州蔣挺湖州裴觀滄州崔
誠遂州凡十一人行詔宰相諸王御史以上祖道洛濱
盛具奏太常樂帛舫水嬉命高力士賜詩令題座右帝
親書且給筆紙令自賦賚絹三千遣之帝詩云

眷言思共理鑑寢想惟良猗歟此推擇聲績著周行賢
能既俟進黎獻實佇康視人當如子愛人亦如傷講學
試誦論阡陌勸耕桑虛譽不可飾清知不可忘求名迹

易見安貞德自彰獄訟必以情教民貴有常恤惇且存
老撫弱復綏強勉哉各祇命知予眷萬方

帝為趙法師別造精院過院賦詩并序云秋九月聽政
觀風存乎遊息退朝之後歷西上陽入清虛院則法師
所居之地也法師得玄元之法養浩然之氣故法此僊
家特建真宇紫房對聳綠竹羅生既親重其人每經過
其地以怡神洗雪進德脩業何必齋心累月遠在順風
因而賦詩用適真意云爾詩云

宗師心物外為道運虛舟不戀巖泉賞來從宮禁遊探
玄知幾歲習靜更宜秋煙樹辨朝色風湍聞夜流坐朝
繁聽覽尋勝在清幽欲廣無為化因茲庶可求

又送趙法師還蜀因名山真簡詩云道家真靈簡自昔
仰神仙真子今將命蒼生福可傳江山尋故國城郭信
依然二室遙相望雲迴洞裏天

法師觀宇在今
蜀州新津縣也

天寶十六年又送忠州太守康昭遠等詩云端拱臨中
樞緬懷共予理不惟臺閣英孰振循良美分符侯甸內

拜首明庭裏誓節期飲水調人方導水嘉聲馳九牧
惠化光千祀時雨侔昔賢芳猷貫前史佇爾頌中和
吾將令卿士

德宗

元日退朝觀軍仗歸營云獻歲視元朔萬方咸在庭
端旒揖羣后迴輦閱師貞綵仗宿華殿退朝歸禁營
分行左右出轉旆風雲生歷歷趨複道容容映層城
勇餘矜捷技令肅無喧聲眷此戎旅節載嘉良工誠
順時傾宴

賞亦以助文經

中和節日宴百僚賜詩云韶華啓仲序初吉諧良辰肇
茲中和節式慶天地春歡酣朝野同生德區宇均雲開
灑膏露草疏芳河津歲華方載陽東作方肆勤慙非薰
風唱曷用慰吾人

中和節賜百官讌集因示所懷云至化常在宥保和茲
息人推誠撫諸夏與物長為春仲月風景暖禁城花柳
新芳時協金奏錫燕周羣臣絲竹豈云樂忠賢唯所親

庶洽朝野意曠然天下均

帝移晦日為中和節故呂渭詩云皇心不向晦改節號
中和淑氣同風景佳名自詠歌蒲裙移舊俗賜尺下新
科歷象千年正醑醕四海多貞元八年試宏詞詩以中
和節應詔

重陽日即事云令節曉澄霽四郊煙靄空天青白露潔
菊散黃金叢寡德荷天貺順時休百工豈懷歌鐘樂思
為君臣同至化在亭育相成資始終未知康衢詠所仰

惟年豐

豐年多慶九日示懷云爽氣肅時令早衣聞翔鴻重陽
有佳節具物欣年豐皎潔暮潭色芬敷新菊叢芳罇滿
衢室繁吹凝煙空惠合信吾道保和惟爾同推誠至玄
化天下期為公

九日絕句云禁苑秋來爽氣多昆明風動起滄波中流
簫鼓誠堪賞詎假橫汾發棹歌

重陽中外同懽餘字韻羣臣亦以其韻奉和故權德輿

云宸衷在化成藻思煥瓊琚微臣侍竊忤豈足歌唐虞
又重陽即事豐年多慶二詩以同字韻亦依以奉和故
德輿前章云天道光下濟睿詞敷大中後章云澤均行
葦厚年慶華黍豐武元衡前章云重陽德澤振萬國歡
娛同後章云賡歌禹功盛擊壤堯年豐九奏碧霄裡千
官皇澤中

重陽日中外同歡以詩言志因示羣官云爽節在重九
物華新雨餘清秋黃葉下菊散金潭初萬寶行就稔百

工欣所如歡心暢遐邇殊俗同車書至化自敦睦佳辰
宜宴胥鏘鏘間絲竹濟濟羅簪裾此樂匪足耽此誠期
永孚

七月十五日題章敬寺云招提邇皇邑複道連重城法
筵會早秋駕言訪禪局嘗聞大仙教清淨宗無生七物
匪吾寶萬行先求成名相既雙寂繁華奚所榮金風扇
微涼遠煙凝翠晶松院靜苔色竹房深磬聲境幽真慮
恬道勝外物輕意適本非說含毫空復情

貞元
七年

貞元五年初置中和節帝製詩寫本賜戴叔倫於容州
詩云東風變梅柳萬彙生春光中和紀月令方與天地
長耽樂豈予尚懿茲時景良庶遂亭育恩同致寰海康
君臣永終始交泰符陰陽曲沼水新碧華林桃稍芳勝
賞信多歡戒之在無荒

送徐州張建封還鎮云牧守寄所重才賢生為時宣風
自淮甸授鉞膺藩維入覲展遐戀臨軒慰來思忠誠在
方寸感激陳情詞報國爾所尚恤人予是資歡宴不盡

懷車馬當還期穀雨將應候行春猶未遲勿以千里遙

而云無已知

貞元後藩帥入朝獨建封獲賜詩

帝善為文尤長於篇什每與學士言詩於浴堂殿夜分不寐貞元中昭義節度李抱貞薦貝州宋庭芬之女若昭召入禁中試文帝咨美帝每與侍臣賡和若昭姊若莘等五人皆預呼學士

貞元四年九月賜宴曲江亭帝為詩序曰朕在位僅將十載實賴忠賢左右克致小康是以擇三令節錫茲宴

賞伴大夫卿士得同歡洽也夫共其戚者同其休有其
初者貴其終咨爾羣寮順朕不暇樂而能節職思其憂
咸若時則庶乎理矣因重陽之會聊示所懷詩云

早衣對庭燎躬化勤意誠時此萬幾暇適與佳節并曲
池潔寒流芳菊舒金英乾坤爽氣澄臺殿秋光清朝野
慶年豐高會多歡聲永懷無荒誠良事同期情因詔曰
卿等重陽會宴朕想歡洽欣慰良多情發于中因製詩
序令賜卿等一本可中書門下簡定文詞士三五十人

應制同用清字明日內於延英門進來宰臣李泌等雖奉詔簡擇難於取捨由是百寮皆和上自考其詩以劉太真及李紆等四人為上等鮑防于邵等四人為次等張蒙殷亮等二十三人為下等而李晟馬燧李泌三宰相之詩不加考第

帝章敬寺詩松院淨苔色竹房深磬聲時人傳誦帝晚年工詩句臣下莫及每御製奉和退而笑曰排工俗有投石之戲兩頭置標號曰排工以中不中為勝負也杜

太保在淮南進崔叔靖詩一百篇帝曰此惡詩何用進
時云奉敕惡詩

韋綬以內相感心疾罷歸第帝九日作黃菊歌顧左右
曰安可不示韋綬遣使持往綬遽奉和附使進帝曰為
文不已豈願養耶敕曰自今勿復爾

文宗

上元日詩云上元高會集群仙心齋何事欲祈年丹誠
儻徹玉帝座且共吾人慶大田

又云冀生三五葉初齊上元羽客出桃蹊不愛仙家登
真訣願蒙四海福黔黎

裴度拜中書令以疾未任朝謝上巳曲江賜宴羣臣賦
詩帝遣中使賜度詩曰注想待元老識君恨不早我家
柱石衰憂來學止禱仍賜御札曰朕詩集中欲得見卿
唱和詩故令示此卿疾未差可異日進來御札及門而
度薨

常謂左右曰若不甲夜視事乙夜觀書則何以為人君

耶每試進士多自出題目及所司進所試披覽吟詠終日怠倦常延學士於內庭討論經義較量古今令宮女以下侍茶湯飲饌李訓講周易時方盛夏遂命取水玉腰帶辟暑犀如意以賜訓曰如意足以與卿為談柄也讀高郢無聲樂賦白居易求玄珠賦謂之玄祖

帝聽政暇博覽群書一日延英顧問宰臣詩云呦呦鹿鳴食野之苹苹是何草時宰相楊珣楊嗣復陳夷行相顧未對珣曰臣按爾雅苹是蘋蕭上曰朕看毛詩疏葉

圓而花白藂生野中似非藟蕭

又一日問宰臣古詩云輕衫襯跳脫跳脫是何物宰臣
未對上曰即今之脫釧也真誥言安妃有斷粟金跳脫
是臂飾

帝好五言自制品格多同肅代而古調清峻嘗欲置詩
博士貞穆季公曰陛下遠慕堯舜而置詩博士況詩人
多輕昧於識理今翰林學士皆能文詞而古今篇什足
可怡悅聖情帝乃止

季公
珏也

甘露事後帝不樂往往瞠目獨語云須殺此輩令我君
臣間絕後賦詩曰輦路生春草上林花滿枝憑高無限
意無復侍臣知翌日觀牡丹誦賦吟罷始憶舒元興之
詞歎息泣下因命作樂聊自適宮人沈翹翹者歌河滿
子有浮雲蔽白日之句其聲宛轉上因歎歔問曰汝知
之耶此文選古詩第一首蓋忠臣為姦邪所蔽也乃賜
金臂環問其從來則吳元濟女也自陷掖廷易姓沈氏
配樂籍又奏曰妾本藝方響廼白玉也捉則響犀為之

願賜臣妾帝命賜之既至命奏涼州之曲音韻清越聽者無不淒然嘗詔開元霓裳羽衣舞參以雲韶肄于廷太常少卿馮定部諸工立簾間端凝若植問李珣珣以定對帝喜曰豈非能古章句者邪親誦定送客西江詩名升殿賜禁中瑞錦詔悉所著以上嘗與宰相論詩之工拙鄭覃曰詩之工者無若三百篇皆國人作之以刺美時政王者采之以觀風俗耳不聞王者為詩也後代辭人之詩華而不實無補於事陳後主隋煬帝皆工於

詩不免亡國陛下何取焉覃薦於經術上甚重之

常吟杜甫曲江篇云江頭宮殿鎖千門細柳新蒲為誰
綠乃知天寶以前樓臺之盛鄭注乃命神策軍淘曲江
昆明二池許公卿立亭館兩軍造紫雲樓彩霞亭內出
樓額賜之

宣宗

宣宗十二年前進士陳玩等三人應博學宏辭選所司
考定名第及詩賦論進訖上於延英殿詔中書舍人李

藩等對上曰凡考試之中重用字如何中書對曰賦即

偏枯駁雜論即褒貶是非詩即緣題落韻

只如白雲起封中詩云封

中白雲起是也其間重用文字乃是庶幾亦非常有例也又曰

孰詩重用字對曰錢起湘靈鼓瑟詩有二不字上曰善

撫雲和瑟常聞帝子靈馮夷空自舞楚客不堪聽逸韻

諧金石清音發杳冥蒼梧來怨慕白芷動芳馨流水傳

湘浦悲風過洞庭曲終人不見江上數峰青

上覽錢公此年宏詞詩曰且一重用文字此詩似不及

起起則今之協律文字也合於匏革宮商即變鄭衛之
奏雖謝朓云洞庭張樂夜瀟湘帝子遊雲去蒼梧野水
還江漢流未若此鼓瑟一篇摘藻妍華無以加其前進
士宏詞詩重字者登科更待明年考校起詩便付吏選
帝好進士及第每對朝臣問及第苟有科名對者必大
喜便問所試詩賦題目并主司姓名或佳人物偶不中
第必歎惜移時嘗於內自題鄉貢進士李道龍白居易
之死帝以詩弔之曰綴玉聯珠六十年誰教冥路作詩

仙浮雲不繫名居易造化無為字樂天童子解吟長恨
曲邊人能唱琵琶篇文章已滿行人耳一度思鄉一愴
然帝製秦邊陲曲其詞云海岳咸通及帝垂拱而年號
咸通焉庶子裴憚進詩賀聖政有太康字帝怒曰太康
失邦乃以比我戶部韋澳奏云晉平吳寇改號太康雖
有失邦之言乃見歸美之文上曰天子大須博覽不然
幾錯罪憚

舊制盛春內殿賜宴三日帝妙音律每先裁製新曲俾

禁中女伶迭相教授至是出宮女數百分行連袂而歌
其曲有曰播皇猷者率高冠方屨褒衣博帶趨走俯仰
皆合規矩于于然有唐堯之風焉有曰慈女踏歌隊者
率言慈嶺之士樂河湟故地歸國復為唐民也若霓裳
曲者皆執節幡被羽服態度凝澹飄飄然有翔雲舞鶴
見左右如是數十曲流傳民間


出令狐澄
正陵遺事

昭宗

陝府唐昭宗有詩云安得有英雄迎歸大內中或曰道

遙樓有太宗詩云昔乘匹馬去今驅萬乘來志意不侔
矣乾寧三年李茂貞犯闕帝次華州韓建迎歸郡中帝
鬱鬱不樂每登城西齊雲樓遠望明年秋制菩薩蠻二
首云登樓遙憶秦宮殿茫茫只見雙飛燕渭水一條流
千山與萬邛遠煙籠碧樹陌上行人去何處是英雄迎
儂歸故宮又一曰飄飄且在三峰下秋風往往堪霑灑
腸斷憶仙宮朦朧煙霧中思夢時時睡不語長如醉早
晚是歸期蒼穹知不知

帝戊午年還京庚申歲劉季述為變冊德王帝明年正月一日返正改元天復十一月朱全忠領兵入河中四日冬節帝又為鳳翔兵士擁幸岐城帝在城中忽一旦大雷雨牛馬震死街西古槐殿東鵠吻立碎帝為詩曰只解劈牛兼劈樹不能誅惡復誅堯朱全忠迎駕圍逼首涉三載癸亥正月駕幸全忠軍乃還京甲子歲全忠遣寇彥卿逼幸洛四月改元天祐帝在洛嘗曰紇干山頭凍死雀何不飛去生處樂



唐詩紀事卷二